

## ARISTOTELES.

Philosophicæ nos hæreditatis series  
ad Aristotelem perduxit: cuius illa  
laudantur, Alexandro Callisthenem sub  
eodem Aristotele suum condiscipulum  
ac familiarem postulanti, per quem re-  
rum quas gessisset memoria scriptis man-  
daretur, misit quidem, sed tali confilio  
instructū, ut Corām illo aut assidue tace-  
ret, aut placita loqueretur, securus si ser-  
uasset alterutrum. Verum is dum corri-  
piendis insolentissimi Regis moribus,  
non confilium præceptoris, sed Philo-  
phiæ suæ libertatem sequitur, in Tyranni  
sæuitiam mori iussus, incidit. Eiusdem  
Aristotelis documentum est, à paucissi-  
mis obseruatum: Ne scilicet, de nobis  
ipsis aut vituperando loquamur aut lau-  
dando: Alioquin illinc dementiæ, hic in-  
anis iactantiæ aduersus nos ore proprio  
testimonium proferemus: nec minus sa-  
lubriter illud monet, ut voluptates ab-  
eentes contempleremur. Quod si acriter  
fecerimus, earundem breuitas simul ac  
fœditas, fructu carens, empta dolore, cor-  
pori nocens, atque animo gloriæque &  
virtuti capitaliter inimica suadebit, ut de  
præteritis pœnitentiam agentes, redu-